

WTT Ezekiel 10:1 וְאַרְאֶה וְהִנֵּה אֶל־הַרְקִיעַ אֲשֶׁר עַל־רֹאשׁ הַכְּרֻבִים כְּאֶבֶן

סָפִיר כַּמְרֹאֶה דַּמּוֹת כֶּסֶף נִרְאָה עֲלֵיהֶם: <sup>2</sup> וַיֹּאמֶר אֶל־הָאִישׁ | לְבַשׁ הַבְּדִים וַיֹּאמֶר

בֹּא אֶל־בֵּינֹת לַגְּלָגֶל אֶל־תַּחַת לְכְרוּב וּמִלֵּא חֲפָנֶיךָ גַּחֲלֵי־אֵשׁ מִבֵּינֹת לְכְרֻבִים

וְזָרַק עַל־הָעֵיר וַיָּבֹא לְעֵינָי: <sup>3</sup> וְהַכְּרֻבִים עֹמְדִים מִימִין לְבַיִת בְּבֹאוֹ הָאִישׁ וְהָעֲנָן

מִלֵּא אֶת־הַחֹצֵר הַפְּנִימִית: <sup>4</sup> וַיֵּרָם כְּבוֹד־יְהוָה מֵעַל הַכְּרוּב עַל מִפְתָּן הַבַּיִת וַיִּמְלֵא

הַבַּיִת אֶת־הָעֲנָן וְהַחֹצֵר מִלֵּאָה אֶת־נֶגְהַ כְּבוֹד יְהוָה: <sup>5</sup> וְקוֹל כְּפָנֵי הַכְּרוּבִים נִשְׁמָע

עַד־הַחֹצֵר הַחִיצוֹנָה כְּקוֹל אֵל־שֹׁדֵי בְדָבָרוֹ: <sup>6</sup> וַיְהִי בְצִוְתוֹ אֶת־הָאִישׁ לְבַשׁ־הַבְּדִים

לֵאמֹר קַח אֵשׁ מִבֵּינֹת לַגְּלָגֶל מִבֵּינֹת לְכְרוּבִים וַיָּבֹא וַיַּעֲמֵד אֶצֶל הָאוֹפָן: <sup>7</sup> וַיִּשְׁלַח

הַכְּרוּב אֶת־יָדוֹ מִבֵּינֹת לְכְרוּבִים אֶל־הָאֵשׁ אֲשֶׁר בֵּינֹת הַכְּרֻבִים וַיִּשָּׂא וַיִּתֵּן אֶל־

חֲפָנֵי לְבַשׁ הַבְּדִים וַיִּקַּח וַיֵּצֵא: <sup>8</sup> וַיֵּרָא לְכְרֻבִים תְּבֻנִית יַד־אָדָם תַּחַת כְּפָנֵיהֶם: <sup>9</sup>

וַאֲרֹאֶה וְהִנֵּה אַרְבַּעַה אוֹפָנִים אֶצֶל הַכְּרוּבִים אוֹפָן אֶחָד אֶצֶל הַכְּרוּב אֶחָד וְאוֹפָן

אֶחָד אֶצֶל הַכְּרוּב אֶחָד וּמְרֹאֶה הָאוֹפָנִים כְּעֵין אֶבֶן תְּרֻשִׁישׁ: <sup>10</sup> וּמְרֹאֶיהֶם דַּמּוֹת

אֶחָד לְאַרְבַּעַתָּם כַּאֲשֶׁר יְהִי הָאוֹפָן בְּתוֹךְ הָאוֹפָן: <sup>11</sup> בְּלִכְתָּם אֶל־אַרְבַּעַת

רַבְעֵיהֶם יֵלְכוּ לֹא יִסְבוּ בְּלִכְתָּם כִּי הַמָּקוֹם אֲשֶׁר־יִפְגְּהַ הָרֹאשׁ אַחֲרָיו יֵלְכוּ לֹא

יִסְבוּ בְּלִכְתָּם: <sup>12</sup> וְכָל־בְּשָׂרָם וְגִבֹּהֶם וַיְדִיחֵם וְכִנְפֵיהֶם וְהָאוֹפָנִים מְלֵאִים עֵינִים

סָבִיב לְאַרְבַּעַתֶּם אוֹפְנֵיהֶם: <sup>13</sup> לְאוֹפָנִים לָהֶם קוֹרָא הַגְּלָגֶל בְּאַזְנֵי: <sup>14</sup> וְאַרְבַּעַה פָּנִים

לְאֶחָד פְּנֵי הָאֶחָד פְּנֵי הַכְּרוֹב וּפְנֵי הַשְּׁנַי פְּנֵי אָדָם וְהַשְּׁלִישִׁי פְּנֵי אַרְיֵה וְהָרְבִיעִי

פְּנֵי־נֶשֶׁר: <sup>15</sup> וַיִּרְמוּ הַכְּרוֹבִים הִיא הַחֲזִיהַ אֲשֶׁר רָאִיתִי בְּנִהְר־כְּבָר: <sup>16</sup> וּבְלִכְתָּ

הַכְּרוֹבִים יִלְכוּ הָאוֹפָנִים אֶצְלָם וּבִשְׂאֵת הַכְּרוֹבִים אֶת־כְּנָפֵיהֶם לְרוּם מֵעַל הָאָרֶץ

לֹא־יִסְבוּ הָאוֹפָנִים גַּם־הֵם מֵאֶצְלָם: <sup>17</sup> בְּעִמְדָם יַעֲמְדוּ וּבְרוּמָם יִרְוּמוּ אוֹתָם כִּי רוּחַ

הַחַיָּה בָּהֶם: <sup>18</sup> וַיֵּצֵא כְבוֹד יְהוָה מֵעַל מִפְתַּן הַבַּיִת וַיַּעֲמֵד עַל־הַכְּרוֹבִים: <sup>19</sup> וַיִּשְׁאוּ

הַכְּרוֹבִים אֶת־כְּנָפֵיהֶם וַיִּרְוּמוּ מִן־הָאָרֶץ לְעֵינַי בְּצֵאתָם וְהָאוֹפָנִים לְעִמְתָם וַיַּעֲמֵד

פְּתַח שַׁעַר בֵּית־יְהוָה הַקִּדְמוֹנִי וּכְבוֹד אֱלֹהֵי־יִשְׂרָאֵל עָלֵיהֶם מִלְּמַעְלָה: <sup>20</sup> הִיא

הַחֲזִיהַ אֲשֶׁר רָאִיתִי תַּחַת אֱלֹהֵי־יִשְׂרָאֵל בְּנִהְר־כְּבָר וָאֲדַע כִּי כְרוֹבִים הֵמָּה: <sup>21</sup>

אַרְבַּעַה אַרְבַּעַה פָּנִים לְאֶחָד וְאַרְבַּע כְּנָפִים לְאֶחָד וּדְמוֹת יְדֵי אָדָם תַּחַת

כְּנָפֵיהֶם: <sup>22</sup> וּדְמוֹת פְּנֵיהֶם הֵמָּה הַפָּנִים אֲשֶׁר רָאִיתִי עַל־נְהַר־כְּבָר מְרֵאֵיהֶם וְאוֹתָם

אִישׁ אֶל־עֵבֶר פָּנָיו יִלְכוּ: